



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXXII. De residentia Provincialis Fratrum Sancti Joannis Dei in Conventu S.
Catharinæ Neapolis.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

suas literas confirmatæ servantur, pariter obser-
ventur, & adimpleantur; Prohibitionem au-
tem de non creandis novis Magistris, nisi post-
quam vacantibus subinde Magistris jam collatis,
viginti novem in Provincia prædicta super-
perstitis remanserint, a Nobis factam, ut præ-
fertur, sine præjudicio antiqui numeri duodenarii
nunc in trigésimo inclusi intelligendam fore
declaramus, adeo scilicet, ut quamvis numerus
duodenarius in trigésimo includatur, nullus-
que novus Magister de numero trigésimo creari
possit, donec alii Magistri ad viginti novem re-
digantur, nihilominus toto eo tempore, quo
præfato numero trigésimo locus factus non fuerit,
creationes Magistrorum dicti numeri duodenarii,
prout antea fiunt, quoties Magisteria de hoc
numero vacare contigerit, idque ne accidat,
quemadmodum facile evenire possent, si
promotiones ad duodecim Magisteria hujusmodi
interea suspensæ forent, quod Magistri, qui diem
suum obierint, sint unus, vel alterius ex dictis
partialitatibus, & sic aliqua ex eis Magistris re-
ferta, reliquæ eis desinitæ remaneant, quibus
Officia dictæ Provincie demandantur, quæ se-
cundum alternativam in eadem Provincia vigen-
tem ad unamquamque partialitatem spectent,
& ex ipsius Provincie consuetudine, atque con-
gruentia Magistris semper conferuntur; quod si
contingeret magnum dictæ Provincie incommodum
non sine turba, ac publicæ quietis pertur-
batione adferre possent.

Clausula.

§. 6. Decernentes ipsas præsentis literas semper
firmas, validas, & efficaces existere, & fore,
suosque plenarios, & integros effectus sorti-
ri, & obtinere, ac illis, ad quos spectat, & pro
tempore quodcumque spectabit in omnibus, &
per omnia plenissime suffragari, & ab illis respec-
tive inviolabiliter observari; sique in præmis-
sis per quoscumque Judices Ordinarios, & Dele-
gatos, etiam Causarum Palatii Apostolici Audi-
tores judicari, & definiri debere; ac irritum, &
inane, si fecerit super his a quoquam quavis au-
thoritate scienter, vel ignoranter contigerit at-
tentari.

§. 7. Non obstantibus Constitutionibus, &
Ordinationibus Apostolicis, necnon Provincie,
& Ordinis prædictorum, etiam juramento, con-
firmatione Apostolica, vel quavis firmitate alia
roboratis statutis, & consuetudinibus; privile-
giis quoque, Indultis, & literis Apostolicis in con-
trarium præmissorum quomodolibet concessis,
confirmatis, & innovatis. Quibus omnibus, &
singulis illorum tenores præsentibus pro plene,
& sufficienter expressis, ac de verbo ad verbum
insertis habentes, illis alias in suo robore perman-
suris, ad præmissorum effectum hac vice dumtaxat
specialiter, & expresse derogamus, cæteris-
que contrariis quibuscumque.

Datum Romæ apud Sanctum Petrum sub An-
nulo Piscatoris die II. Januarii MDCCXXVII.
Pontificatus Nostri Anno III.

CXXII. Confirmatur Decretum Definitorii Generalis
Ordinis S. Joannis Dei assignans Conventum
S. Catharinæ Neapolitan. pro residentia Pro-
vincialis.

Alia hujus Const. ed. 1724. Sept. 13. P. 1. confir-
mata fuerunt Privilegia dicti Ordinis.

Dat. 7. Jan.
1726. An. 3.

BENEDICTUS PAPA XIII.

Ad perpetuam rei memoriam.

Expositio
facti.

§. 1. **E**Xponi Nobis nuper fecit dilectus Filius
Joachinus Maggi Procurator Generalis
Ordinis Fratrum Sancti Joannis Dei, quod ad
sedandas controversias inter Dilectos Filios Prio-

rem Provinciale Provincie Neapolitan. ac
Priorem Conventus Sanctæ Mariæ de Pace Ci-
vitatæ Neapolitan. ejusdem Ordinis alias enatas
ex eo, quod dictus Conventus, qui Jurisdic-
tioni Ordinariæ Prioris Generalis ipsius Ordinis
pro tempore existentis subiectus reperitur Resi-
dentia prædicti Prioris Provincialis destinatus
fuerat, necnon ad majora animorum dissidia,
quæ exinde inter eos temporis progressu exoriri
possent, antevertenda; diffinitorium Generale
dicti Ordinis die 6. Mensis Decembris legitime
congregatum ipsi moderno, ac pro tempore
pariter existenti Priori Provinciali Provincie
præfate Conventum, & Hospitale Sanctæ Ca-
tharinæ in Colle Neapolitan. situm ejusdem Or-
dinis pro sua residentia, & habitatione ordina-
ria assignavit, ac deputavit, injuncto onere
supradicto Conventui Sanctæ Mariæ de Pace, at-
tentata Conventus præfati, & Hospitalis Sanctæ Ca-
tharinæ paupertate, ipsi Priori Provinciali alimenta
præstandi eodem modo, quo moderno Priori Pro-
vinciali antehac subministravit, & adhuc de præ-
senti subministrat, ac portus literarum prout an-
tea, persolvendi, & alias quemadmodum plenius
continetur in Decreto a Diffinitorio Generali hu-
jusmodi desuper vulgari idiomate emanato teno-
ris, qui sequitur, videlicet.

§. 2. *Adi 6. Decembre 1724. Roma. Congre-
gati nella Camera della solita residenza del Reveren-
dissimo Padre Generale il medesimo Reverendissimo
Padre Bernardo Banfi Prior Generale, il molto Re-
verendo Padre Gioachino Maggi Primo Consul-
tore, e Procuratore Generale, il molto Reve-
rendo Padre Domenico Maria Gambacorta se-
condo Consultore, e Prior di Roma, & Io In-
frascritto terzo Consultore, e Segretario Genera-
le, ed invocata da me la gratia dello Spirito Santo,
il Padre Reverendissimo propose, che avendo consi-
derate le passate controversie insorte fra il Provin-
ciale della Provincia di Napoli, e il Priore di San-
ta Maria della Pace, e prevedendone anco delle
maggiori, a causa che talvolta nascono trà loro moti-
vi di giurisdizione, li quali sogliono poi seco portare
coneguenze nocive alla pace, e buon governo di quel
Convento, e della Provincia tutta, conoscendo evi-
dentemente esser stati cagionati simili accidenti della
residenza assegnata al Provinciale di Napoli in quel
Convento immediatamente soggetto alla giurisdizione
ordinaria del Padre Generale pro tempore: Presen-
taneo, e provido rimedio sarebbe scegliere un altro
Convento per la residenza del Padre Provinciale dove
non solo avesse egli la residenza, ma anco la piena
giurisdizione in tutto, come nell' altri Conventi
della Provincia. E che chiestone il parere de' Padri
Consiglieri questi unanimi risolsero, che dovesse sce-
gliersi un Convento conforme allaproposizione del Pa-
dre Reverendissimo Generale. Laonde di commun
voto fù assegnato il Convento, ed Ospedale di Santa
Catarina sopra la Montagnola di Napoli per residen-
za ordinaria del Provinciale pro tempore della Pro-
vincia di San. Gio. Battista di Napoli, e che il Con-
vento di Santa Maria della Pace, attesa la Povertà
del Convento di S. Catarina, debba in avvenire
sommministrargli il mantenimento nella stessa maniera,
che ha praticato, e pratica con il Padre Provinciale
odierno, e che debbano anco pagarli le spese delle Let-
tere, secondo il peso, che sempre ha havuto. E per-
che il presente Decreto abbia efficacia maggiore, e non
ostii alli Decreti della Sagra Congregazione emanati
li 30. Aprile 1685. de Mandato Santissimi Domini
Nostri Innocentii Papa XI. fù risoluto, che se ne
cercasse dalla Sagra Congregazione de Vescovi e Re-
golari l' approvazione con formale Memoriale, in cui
s' esponga l' utile, e necessità del suddetto Decreto.
Inoltre &c. In fede &c. Præsens copia extracta fuit a
Libro Congregationum Definitoriarum Ordinis San-
cti Joannis de Deo, quo cum collationata de verbo ad
verbum concordat. In quorum fidem præsentis mea
manu subscripsi, & sigillo pariter ejusdem Ordinis*

Decretum
prædicti.

Preces Procuratoris Generalis Ordinis.

Confirmatio relati Decreti.

Clausula.

CXXIII.

Dat. 10. Jan. 1727. An. 3.

Exordium.

Exponitur quomodo in

communivi in Conventu, & Hospitali Sancti Joannis Calybita Urbis die 6. Decembris 1726. Frater Antonius Cozza, & Secretarius Generalis.

§. 3. Cum autem, sicut eadem expositio subjungebat, praedictus Joachinus praemissa, quo firmiter subsistant, & serventur exactius Apostolica confirmationis nostrae patrocinio communitari summopere desideret; Nos ejusdem Joannis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdictionis, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, decretum praesentium auctoritate Apostolica tenore praesentium approbamus, & confirmamus, illique inviolabilis Apostolica firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus.

§. 4. Decernentes ipsas praesentes literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari: Sique in praemissis per quoscumque Judices ordinarios, & delegatos etiam causarum Palatii Apostolici Auditores judicari, & definituri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, & Ordinis, Provinciae, & Conventuum praefatorum, etiam Juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & Literis Apostolicis in contrarium praemissorum quomodolibet confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes; illis alias in suo robore permansuris, ad praemissorum effectum, hac vice dumtaxat specialiter, & expresse derogamus, caterisque contrariis quibuscumque.

Abrogantur exemptiones, & privilegia personalia quaecumque, Fratibus S. Joannis Dei Provinciae Portugalliae concessa.

A Clem. XI. Const. ed. 1703. Maji 10. P. 3. revocata fuerunt conventualitates perpetuae a Prioribus dicti Ordinis, & a Clem. XII. Const. ed. 1712. Oct. 1. P. 3. revocantur privilegia personalia pro Provinciae Andalusiae, & Castella eorumdem Fratrum.

BENEDICTUS PAPA XIII. Ad perpetuam rei memoriam.

Onerosa pastoralis officii cura Nobis ex alto meritis licet imparibus commissa crebro Nos admonet, ac inducit, ut ad statum Christianidelium quorumlibet praesertim Regularium vitam profitentium salubriter dirigendum sollicitis studiis intendentes, quae felici eorum statui obesse, aut in observantiae regularis detrimentum vergere cognoscimus quantum Nobis ex alto conceditur submoveamus, prout conspiciamus in Domino expedire.

§. 1. Cum itaque sicut dilectus filius Ignatius

Xavier Frater expresse professus Provinciae Portugalliae Congregationis Hispaniarum Ordinis S. Joannis Dei, Nobis nuper exponi fecit, alias dum bellum inter earumdem Hispaniarum, ac Portugalliae, & Algarbiorum Regna vigeret, tunc existenti Priori Provinciali dictae Provinciae Congregatione tunc temporis pariter existentium S. R. E. Cardinalium negotiis, & consultationibus Episcoporum, & Regularium proposita eam ipsam in dictam Provinciam, quae Priori Generali Congregationis praefatae competeat, Jurisdictionem exercendi durantibus bellicis motibus hujusmodi, quibus videlicet liber ad ipsum Priorem Generalem in eisdem Hispaniis degentem accessus, & recursus non patebat, potestas facta fuisset; dictus vero Prior Provincialis concessa sibi potestate graviter abutens plerisque Fratres Provinciae praefatae ab officio, quae juxta Congregationis, & Ordinis hujusmodi institutum gerere tenebantur, variis subpraetextibus exemisset, aliisque privilegiis, & praerogativis donasset, per quae Superiores Conventuum dictae Provinciae impediabantur quominus eos ad debitam obedientiam adigere possent, ac dicti fratres exemptiones, privilegia, & praerogativas hujusmodi a Sedis Apostolicae in praedictis Portugalliae & Algarbiorum Regnis pro tempore itidem existentibus Nunciis confirmari, & approbari, alii vero sibi per eisdem Nuncios similia Indulta concedi obtinissent.

§. 2. Quibus ad dilectum filium Priorem Generalem dictae Congregationis delatis, ac pensis per eum gravibus malis, ac turbis, quae exinde inventa fuerant in Universam Provinciam praefatam, in qua septendecim Conventus, ac centum septendecim circiter, & forsitan ultra fratres numerantur, nec non comperto, quod ex eisdem fratribus nonnulli, qui munere Prioris Provincialis functi fuerunt, & alii utpote Sacerdotes per ipsius Ordinis Constitutiones auctoritate Apostolica confirmatas ab officio exempti reperiebantur, nec non aliqui sexaginta suae aetatis annos excedentes ad illa exercenda inhabiles, alii vero ex privilegio, sicut praemittitur, excepti fuerant, ita ut non nisi quadraginta octo circiter Fratres, agrotis in eorumdem Conventuum Hospitalibus decumbentibus assisterent; de suorum Definitorum consilio tunc pariter existenti in Portugalliae, & Algarbiorum Regnis dictae Sedis Nuncio maximum incommodum, ac detrimentum, quod ex ejusmodi exemptionibus Provinciae, Conventus, & Hospitalia praedicta accipiebant, illaque provide per eundem Nuncium revocari obtinuit; verum quia Fratres praedicti his minime, ut par erat, acquiescebant, nec ipsi Nuncio parebant, habito propterea ad fel. rec. Clem. PP. XI. Praedecessorem nostrum desuper recursum, idem Clemens praedicto Nuncio serio injunxit quatenus curaret revocationem dictarum exemptionum omnimoda executioni demandari, unde Nuncio praefatus acceptum a Clemente Praedecessore mandatum Priori Provinciali dictae Provinciae statim renunciavit, ac deinde Edictum super revocatione ejusmodi, illiusque executione sub poena privationis officiorum tam per Fratres sic exemptos quam per ipsum Priorem Provinciale in casu contraventionis incurrenda publicari, & palam affigi fecit.

§. 3. Cum autem sicut eadem expositio subjungebat fratres praedicti ad eludendum edictum praefatum ad varia subterfugia confugerint, ac illorum plurimi commissiones a Sede Apostolica super mantentione in eorum praesentibus exemptionibus nulliter, & subreptitio impetraverint, quarum obtentu se in eisdem exemptionibus non sine ingenti etiam laico-

A Nuncio Apst. Portugalliae praedicta omnia semel, ac iterum revocata.

Causae hujus Constitutionis.

1727.

Preces pro
abrogatione
eorundem.

rum scandalo, etiam nunc confovere præsumunt. Nobis propterea dictus Ignatius humiliter supplicari fecit, ut in præmissis opportune providere, de benignitate Apostolica dignaremur. Nos igitur eundem Ignatium specialibus favoribus, & gratiis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum ferie absolventes, & absolutum fore censentes hujusmodi supplicationibus inclinati, exemptiones præfatas, & quæcunque privilegia, & Indulta personalia, prærogativas, & immunitates fratibus dictæ Provinciæ quovis titulo, prætextu, causa, & occasione, tam a suprascripto Priore Provinciali, ac quibuslibet Provinciæ, & Congregationis prædictarum superioribus, quam a Sedis Apostolicæ in eisdem Regnis Nunciis, seu alias quomodolibet contra, & præter Regularia earundem Provinciæ, & Congregationis instituta, & Apostolicas Constitutiones concessa, aut confirmata, Apostolica auctoritate tenore præsentium perpetuo annullamus, cassamus, abrogamus, & abolemus, illaque in perpetuum nulla, cassata, abrogata, & abolita, viribusque, & effectu vacua esse, & fore, neminique ullatenus suffragari, neque de cætero a quoquam concedi possesicque per quoscumque Judices ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si fecus super his a quoquam quavis auctoritate scienter, vel ignoranter contigerit attentari decernimus. Mandantes propterea in virtute sanctæ obedientiæ, ac sub excommunicationis, privationisque officii, vocisque activæ, & passivæ pœnis eo ipso incurrendis dilecto filio Priori Provinciali dictæ Provinciæ, ut quam primum præsentis nostræ literæ ad ejus noticiam pervenerint, omnes, & singulos Fratres ejusdem Provinciæ ejusmodi exemptiones, privilegia, Indulta, prærogativas, & immunitates habentes, illis eo ipso privatos, & spoliatos esse declaret, nec quemquam illis uti sinat, vel permittat, inobedientes quoslibet, & Rebelles opportunis Juris, & facti remediis juxta Regularia Provinciæ, & congregationis prædictarum statuta, omni, & quacumque appellatione, reclamatione, & recurso remotis compescendo.

Clausulæ
derogatoriæ.

§. 4. Non obstantibus præmissis, ac quibusvis literis Apostolicis super observatione exemptionum, privilegiorum, Indultorum, prærogativarum, & Immunitatum hujusmodi emanatis, aliisque Constitutionibus, & Ordinationibus Apostolicis, necnon Provinciæ, & Congregationis prædictarum, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & literis Apostolicis quibus Provinciæ, & Congregationis prædictarum hujusmodi superioribus, & personis sub quibuscumque verborum tenoribus, & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in contrarium præmissorum quomodolibet concessis, confirmatis, & innovatis. Quibus omnibus & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi ac si de verbo ad verbum nihil penitus omisso, & forma in illis tradita observata, infererentur, & exprime-

rentur, iisdem præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 5. Volumus autem, ut earundem præsentium literarum transcriptis seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in Judicio, & extra illud adhibeatur, quæ ipsis præsentibus adhiberetur si forent exhibitæ, vel ostensæ.

Datum Romæ apud S. Petrum sub annulo Piscatoris die x. Januarii MDCCLXXVII. Pontificatus nostri anno III.

Conceditur Fratribus Carmelitæ antiquæ Observantiæ Provinciæ Portugalliæ facultas, ut certis oneribus Missarum, quas celebrare non poterunt, satisfacere valeant una Missa solemnî.

CXXIV.

De jure suffragandi pro Fratribus dictæ Provinciæ vid. aliam hujus Const. ed. 1726. Feb. 20. P. 2.

BENEDICTUS PAPA XIII.

Dat. 14. Janu.
1727. An. 3.

Ad futuram rei memoriam.

§. 1. **E**Xponi Nobis nuper fecerunt Dilecti Filii Prior Provincialis, ac Fratres Provinciæ Portugalliæ Ordinis B. M. de Monte Carmelo antiquæ Observantiæ, quod Conventus ejusdem Provinciæ non mediocri paupertate laborant, propterea quod redditus, quos possident proveniunt ex Capellanis antiquis, & modernis in eorum Ecclesiis cum obligatione Missas solemniter, & privatim pro illarum Fundatorum animabus quotidie celebrandi erectis, necnon ex simili onere Missarum ab aliquot Christianissimorum Confraternitatibus in eisdem Ecclesiis ab immemorabili tempore institutis, ac ejusmodi reddituum pars, aut adeo tenuis existit, ut elemosynæ manuali non respondeat, vel tempore absumptis, seu deperditis bonorum proprietatibus plane desperit, ipsisque insuper Exponentibus obligatio pro quolibet Religioso, quem ab humanis decedere pro tempore contigerit, juxta dicti Ordinis Constitutiones Apostolica auctoritate confirmatas Missas; necnon illas, quas ternariorum vocant celebrandi incumbit; unde fit, quod hi redditus, etiam proventibus, qui ex aliquot Cappellanis majoris elemosynæ nuncupatis percipiuntur conjuncti congruæ sustentationis Religiosorum Conventuum prælatorum, & maxime Conventus Ulyssiponen., in quo supra centum, & quadraginta Fratres degunt, pares non sint, nec eorundem Conventuum reedificationi, Ecclesiarum reparationi, fabricæ, paramentis, aliisque expensis, quæ pro Cultu Divino, ac Divinorum Officiorum celebratione fieri debent, minime sufficiant, in primis in dicto Conventu Ulyssiponen., ubi in hanc Cultus, ac Officiorum Divinorum causam quatuor millia Cruciatorum monetæ illarum partium, non computatis sumptibus paramentorum ordinariorum, quotannis infumuntur, prout ex libris Sacrarum dicti Conventus aperte colligi dicitur, quin expensæ hujusmodi absque nota, & Fidelium scandalo, ac ipsius Ordinis dedecore minui valeant, quoniam in Regno Portugalliæ Divinas functiones splendide, & magnifice peragere mos est. Cum autem, sicut eadem expositio subjungebat, Exponentes prædi-

Ob oculos
Pontifici
propositæ
causæ ad eum
impellen-
dum, ut præ-
dictam facultatem conce-
dat.

Et eo, quod redditus præfati, tot, tantisque expensis obnoxii sibi satis non sint, elemosynas sibi per eosdem Fideles in ultimis eorum voluntatibus relictas pro Missis in ipsorum Exponentium Ecclesiis præfente cadavere, vel alias canendis, aut recitandis, quæ Missæ majoris elemosynæ esse consueverunt, accipiant, Missis vero Capellaniarum, ac Confraternitatum prædictarum minoris elemosynæ, & illarum quarum proventus tempus imminuit, seu absumpsit, ac pro Religiosis defunctis, & quas ternariorum vocant celebrandis singulis annis quandoque satisfacere non possint, iidem Exponentes, ut quotiescumque aliquis ex Conventibus prædictæ Provinciæ has Missas celebrare nequiverit, idem Conventus unam Missam solemnem, sive generalem cum Anniversario, & absolutione generali quolibet mense loco Missarum præfatarum celebrare valeat, concedi plurimum desiderent, prout dudum Fratribus Provinciæ Bathicæ ejusdem Ordinis Beatæ Mariæ de Monte Carmelo a fel. rec. Leone PP. X. Prædecessore Nostro concessum fuisse memoratur. Nobis propterea Exponentes præfati humiliter supplicari fecerunt, ut sibi in præmissis opportune providere, & ut infra indulgere de benignitate Apostolica digneremur.

Preces, & vota prædictorum Fratrum.

Concessio præfata facultatis ut nempe Fratres prædicti in quibuslibet eorum Ecclesiis, singulis Mensibus, celebrando unam Missam solemnem satisfaciant cæteris oneribus Missarum, quas non possunt celebrare.

Clausula derogatoria.

§. 2. Nos igitur pro paternæ, qua Regulares Ordines complectimur charitatis affectu memoratæ Provinciæ, illiusque Conventuum inopiam, quantum cum Domino possumus levare cupientes, eosdemque Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequen., harum serie absolventes, & absolutas fore censentes, hujusmodi supplicationibus inclinati, ipsis modernis, ac pro tempore existentibus Priori Provinciali, ac Fratribus Provinciæ, & Ordinis præfatorum, ut si propter paupertatem, vel paucitatem Fratrum alicujus dictæ Provinciæ Conventus, illius Fratres Missas, & Divina Officia eis ratione Capellaniarum prædictarum incumbentiæ, per memoratas Confraternitates injuncta, minoris elemosynæ, & quarum proventus tempore notabiliter diminuti, aut absumpti fuerint, vel pro Fratres defuncto juxta Constitutiones Ordinis prædicti, seu quæ ternariorum vocant celebranda minime celebrare poterunt, loco, ac vice Missarum, & Divinorum Officiorum ejusmodi unam generalem, & solemnem Missam cum Anniversario, & absolutione generali quolibet mense celebrare libere, & licite possint, & valeant, auctoritate Apostolica tenore præsentium, de specialis dono gratiæ, quæ non transeat in exemplum, concedimus, & indulgemus, ipsumque Conventum, ac illius Fratres per Missæ cum Anniversario, & absolutione generali quolibet mense celebrationem hujusmodi, ab onere, & obligatione Missarum, & Divinorum Officiorum præfatorum auctoritate, & tenore prædictis absolvimus, & liberamus, eosque absolutos, & liberos esse, & fore declaramus. Decernentes easdem præfentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Apo-

stolicis, & in Universalibus, Provincialibusque Conciliis editis generalibus, vel specialibus Constitutionibus, & Ordinationibus, necnon Ordinibus, Provinciæ, ac Conventuum præfatorum, etiam juramento, confirmatione Apostolica, vel quavis firmitate alia roboratis Statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisq; contrariis quibuscumque. Datum Romæ apud S. Petrum, sub Annulo Piscatoris, die XIV. Januarii MDCCXXVII., Pontificatus Nostri Anno Tertio.

Deputatur Patriarcha Ulyssiponen. in Executorem Constitutionis ipsius Benedicti XIII. super abrogatione privilegiorum Fratrum Ordinis S. Joannis Dei Provinciæ Portugalliæ.

CXXV.

Laudata Const. hic inserta edita est 1727. Janu. 10. P. 3. & a Clem. XII. Const. ed. 1732. Octob. 1. P. 3. revocantur privilegia personalia pro Provinciis Andalusie & Castelle eorumdem Fratrum.

BENEDICTUS PAPA XIII.

Dat. 13. Feb. 1727. An. 3.

Ad perpetuam rei memoriam.

§. 1. **N**uper ad supplicationem dilecti filii Ignatii Xavier Fratris expresse professi Provinciæ Portugalliæ Congregationis Hispaniarum Ordinis S. Joannis Dei emanantur a Nobis literæ in simili forma Brevis tenoris, qui sequitur videlicet.

§. 2. *Benedictus PP. XIII. ad futuram rei Memoriam.* Onerosa pastoralis officii cura Nobis ex alto meritis licet imparibus commissa crebro Nos admonet, ac inducit, ut ad statum Christianifidelium quorumlibet, præsertim regularem vitam profitentium salubriter dirigendum sollicitis studiis intendentes, quæ felici eorum statui obesse, aut in observantiæ regularis detrimentum vergere cognoscimus quantum Nobis ex alto conceditur submoveamus, prout conspiciamus in Domino expedire. Cum itaque sicut dilectus filius Ignatius Xavier frater expresse professus Provinciæ Portugalliæ Congregationis Hispaniarum Ordinis S. Joannis Dei Nobis nuper exponi fecit, alias dum bellum inter earumdem Hispaniarum, ac Portugalliæ, & Algarbiorum Regna vigeret, tunc existenti Priori Provinciali dictæ Provinciæ a Congregatione tunc temporis pariter existentium S. R. E. Cardinalium negotiis, & Consultationibus Episcoporum, & Regularium præposito eam ipsam in dictam Provinciam, quæ Priori Generali Congregationis præfate competeat, Jurisdictionem exercendi durantibus bellicis motibus hujusmodi, quibus videlicet liber ad ipsum Priorem Generalem in eisdem Hispaniis degentem accessus, & recursus non parebat potestas facta fuisse; dictus vero Prior Provincialis concessa sibi potestate graviter abutens, plerosque Fratres Provinciæ præfate ab officiis, quæ juxta Congregationis, & Ordinis hujusmodi institutum gerere tenebantur, variis sub prætextibus exemisset, aliisque privilegiis, & prærogativis donasset, per quæ Superiores Conventuum dictæ Provinciæ impediabantur quominus eos ad debitam obedientiam adigere possent, ac dicti fratres exemptiones, privilegia, & prærogativas

Deferuntur prædictæ literæ Apostolicæ ejusdem Benedicti hac super re.

tivas